



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

21. Christianæ virtutes, &c. De beato Aloysio Gonzaga, clerico Societatis
Jesu, sanctorum Confessorum Canoni per eundem adscripto die XXXI.
Decembris anni MDCCXXVI.

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

1726.

Cardinalis Falconerius.
† Ego Nicolaus sanctæ Mariæ ad Martyres Diaconus Cardinalis Judice.

†
†
†
†
†

P. Card. Prodaturus.

Pro D. Cardinali Oliverio.

C. Archiepiscopus Emisenus.

Visa De Curia J. Archiepiscopus Ancyranus.

L. Martinettus.

Registrata in Secretaria Brevium.

XXI.

De beato Aloyso Gonzaga, clerico Societatis Jesu, sanctorum Confessorum Canonis per eundem adscripto die XX XI. Decembris Anni MDCCXXVI.

BENEDICTUS EPISCOPUS

Servus Servorum Dei, ad perpetuam rei memoriam.

I.
Dei fervorum sanctitas à summo Pontifice toti Ecclesiæ manifestatur.

CHRISTIANÆ virtutes & summa vitæ innocentia strennos Dei milites post triumphum de hoc mundo, perquam dignos efficiunt, qui inter cælestis Hierusalem emeritos cives commerentur; atque hinc nobis universalis Ecclesiæ regimini præpositis maxime convenit Apostolica voce eorundem sanctitatem manifestare, ut omnes tanto patrocínio in cælis muniti, optimisque piæ illorum conversationis exemplis instructi per viam salutis incedere valeant, unde & ipsi tandem vitæ cursu feliciter consummato, eorum consortio adjungungi mereantur, quorum se regulis conformare studuerunt. Itaque nos hac die, in honorem antecessoris nostri Silvestri confessoris atque pontificis Deo sacra, cum ingenti exultatione & celebritate in basilicam Principis Apostolorum convenientes, angelicum juvenem, inque regulari militia probatissimum clericum, Aloysium Gonzagam, sanctorum canonis adscriptimus, ut Christianis in ejus meritis solemniter præconio ad Dei gloriam recolendis propitium in cælo deprecatores obtineant.

II.
Beati Aloysii Gonzagæ ortus, pia educatio, utriusque admiranda.

Castellione, Galliæ Cisalpinæ ad fines Mantuani ducatus nobili opido, quod discriminis causa *Servorum* appellatur, Marchionatus olim, dein principatus titulo, insigni, ex primaria Gonzaga familia VI. idus Martias anno Christi Domini MD. XVIII. natus est Aloysius, antea baptizatus, quam totus in lucem editus. Ab ipsis infantia & eo magis pueritia primordiis magna in illo & multa futuræ sanctitatis argumenta apparuerunt, quæ beatus Carolus Borromæus S. R. E. Cardinalis & Archiepiscopus Mediolanensis coram miratus, illum adhuc duodennem, in rebus divinis aded instructum reperit, ut dignum putaverit, quem sanctissimo Eucharistiæ Sacramento suis manibus ipse primus reficeret. Tum verò in patriis ædibus, & Florentiæ, ubi Aloysius novennis Deiparæ virginitatem suam vovit, quam semper una cum innocentia baptismali illibatam servavit, tum maxime in aula regia Hispaniarum, quo tredecennis cum parentibus in comitatu Mariæ Augustæ petierat, cælestes ejus animi dotes paruerunt. Ibi enim rara ejus pietas in dies prodiens, omnium oculos & admirationem in se convertit, nullis mundi illecebris innocentissimum puerum alio trahentibus: cujus etiam sanctissimum puerum alio trahentibus: cujus etiam sanctus pudor is fuit, ut matro-

nas, confanguineas quoque, ac matrem ipsam, ad spicere, & seorsum alloqui refugeret. Quin, ut Dei famulatum tutius amplecteretur, vix annum decimum quintum egressus, in Societatem Jesu migrare constitit: quam cogitationem nullæ Regum & Principum blanditiæ, nullæ à parentibus toto triennali spatio adhibitæ machinæ, ex ejus animo evellere potuerunt.

Quare mirantibus & lugentibus confanguineis, Romam iturus, fideis oculis avito se principatu abdicavit, inque alma æde Lauretana votum, quo eum pia mater incolumen paritura, Deo se obstrinxerat, incredibili religione persolvit, Romæ verò in primariis septem Ecclesiis Deum propitium sibi precatus, mox in domum probandis spiritibus, Societati Jesu nomen daturis, destinatum, maximo gaudio convolvit, ubi eximius ejus virtutibus parefactis, voti que postea regularibus de more ab eo nuncupatis, in clericum adscitus, primisque ordinibus initiatus est. Quanta verè cuncta se spectandum, quantaque humilitate, paupertatis studio, sui que contemptu viliora officia ultrò subire gestiens, se toti Urbi admirandum ostenderit, oculati & probatissimi testes literarum monumentis consignaverunt. Sed ejus caritas præcipuo sermone celebranda est, quippe quæ maxima fuit, & præsertim enituit, dum ex annonæ inopia sævo in Urbe contagio ingruente, quod multa millia hominum sustulit, ipse quamvis corpore macerationibus penè confectus, pedibus vix consisteret, à majoribus impetravit, ut in publicis valetudinariis lethali ter ærotantes inviseret, stipem vicatim per Urbem esurientibus erogaret, inque communi vastitate languidos ipsos in hospitales domos suis humeris lato exueret, sordibus mundaret, ac cibo etiam verbi Dei pasceret: quæ omnia tanto studio peregit, ut & ipse pestilenti halitu afflatus aliquandiu novo hoc experimento probandus, contabesceret.

Tandem suæ migrationis tempus appropinquare animadvertens, Ecclesiæ sacramentis ad magnum iter munitus, dulcissimoque Jesu nomine, quod semper in corde atque ore habuerat, repetito; nocte, quam prædixerat ante diem XI. Kalendas Julias anni MDXCI. plurimis admirandæ & consummatæ virtutis speciminibus editis, placidissima in pace quievit, anno ætatis suæ XXIII. religionis sexto, clericatus quarto. Ad ejus exuvias venerandas tanta populi Romani turba confluit, ut adis portas claudi oportuerit, ne sacrum pignus devotionis causa in frustra dispereretur. Et quamvis loculum sepulcralem, ei servando adsignatum nullus foris titulus distingueret, Fidelium tamen pietas accensis facibus, votivisque tabellis ac donariis subinde allatis, eum probe distinguit. Aloysii sanctitatem diserto etiam præconio vulgavit in mentis excessu Dei ancilla, postmodum sanctis Virginibus adnumerata Maria Magdalena de Pazzis.

Quin crebra & maxima signa per Servi sui intercessionem à Deo patrata, ejusdem sanctitatis famam per universam Italiam eo usque vulgaverunt, ut Synodus Mantuana recolendæ memoriæ antecessori nostro Paulo Papæ V. enixas preces obtulerit pro Aloysio in Beatorum numerum referendo, eodemque relato cum multi Christiani, Principes à Sede Apostolicâ flagitarent, ut inter sanctos quoque numeraretur, res tanta Venerabilium Fratrum S. R. E. Cardinalium, sacris Ritibus examinandis præpostorum Judicio perpendenda commissa est. Hi verò beati Aloysii virtutes & miracula, de quibus plenè constabat, ad sacros Ecclesiæ Canones & disciplinam suffragiis suis omnino

III.
Societati Jesu nomen daturus, magna animi fortitudine suis valedicit, & Romam perit ubi Christianis virtutibus omnium oculos in se convertit.

IV.
Pie obiit, & pro sancto agnoscitur.

V.
Synodus Mantuana & Christiani Principes pro Aloysio sanctis Confessoribus adscribendo Apostolicam sedem exorant. Ejus virtutes & miracula comprobantur, deque eo Horæ Canonice & Missæ celebrari statuantur.

compro.

A N N O
1726.

comprobaverunt, ita ut Dei servum inter sanctos referri, deque eo, tanquam de beato confessoro, officium recitari posse iudicarent. Tres deinde antiquiores sacri palatii Apostolici causarum iudices hac de re suam relationem, quin-quennali discussione compositam, ediderunt, in qua prævio examine & approbatione virtutum ac miraculorum, causam in eo statum esse dixerunt, ut tuto, & quodcumque id luberet, beatus Dei servus inter sanctos confessores referri posset. Postmodum Cardinales simul iterum congregati inhærendo his, quæ antea censuerant, & præsertim relationi eorundem trium sacri palatii iudicum, pridem à se acta & iudicata uno ore & nemine discrepante confirmaverunt. Quare Paulus Papa V. his auditis, auctoritate Apostolica non solum Romæ, sed in quibuscumque locis Italicis, Mantuani Ducis & Principum ex Gonzaga gente imperio subjectis, inque Ecclesiis Societatis Jesu sacrosanctum missæ sacrificium, atque horas canonicas in beati Aloysii honorem celebrari, & recitari posse decrevit: quod indultum, Apostolicis literis traditum, per alios postea Romanos Pontifices antecessores nostros ad universam Societatem Jesu, & complura alia loca, de eorundem venerabilium fratrum consilio, suffragioque extensum est.

VI.

BENEDICTUS XIII. beatus Aloysium à Clemente X. in Martyrologium Romanum relatum, sanctorum confessorum canonice adnumerata.

Hinc Aloysii ubique celeberrimi virtutes & signa, omnibus ferme Christianis Principibus apud Apostolicam Sedem æque laudantibus, proque ejus inter sanctos Domini confessores adscriptione sub proximis antecessoribus nostris Romanis pontificibus Clemente XI. & Innocentio XIII. ac etiam nobis ipsis, dum in minoribus essemus, enixe deprecantibus, tandem singulis, quæ ad novissima antecessorum nostrorum decreta impleri debebant, accurate & sedulo impletis, inque conventu venerabilium fratrum nostrorum S. R. E. Cardinalium una congregatorum repetita omnium eorum, quæ acta jam fuerant, absoluta notione, plenaque ex omni parte, & juridica expositione, tum quoad miracula, olim plene discussa atque approbata, nos eundem Aloysium, cujus nomen in clypeæ memorie antecessor Clemens Papa X. in tabulis Martyrologii Romani describendum curaverat, sanctorum confessorum falsis adnumerare decrevimus. Itaque in tribus consistoriis & plenario conventu eorundem venerabilium fratrum nostrorum S. R. E. Cardinalium, atque etiam Patriarcharum, Archiepiscoporum & Episcoporum nobiscum Romæ præsentium, univertis ad eum pertinentibus pro more discussis, unanimi Patrum sententia per Apostolicæ Sedis Notarios coram nobis excepta, Regumque ac Principum Christianorum & Societatis Jesu pro beato Aloysio, quem scholis ejusdem Societatis patronum Apostolicis literis nostris pridem assignavimus, in sanctorum confessorum canonem referendo, multis precibus eidem sanctæ Apostolicæ Sedi nobisque porrectis, post tantæ rei perficiendæ solemnem diem indictam, perque orationes, jejunia & elemosynas omnipotentis Dei opem ferventissime imploratam, demum omnibus, quæ ad antecessorum nostrorum Romanorum Pontificum constitutiones & Sanctæ Romanæ Ecclesiæ disciplinam agenda erant, summa religione peractis, hac ipsa die in honorem antecessoris nostri Silvestri confessoris atque pontificis Deo sacra, cum jam dictis venerabilibus fratribus nostris S. R. E. Cardinalibus, Patriarchis, Archiepiscopis & Episcopis, ac utriusque cleri & populi frequentia in sacrosanctam basilicam Principis Apostolorum Deo supplicantes convenimus, ubi semel, iterum & tertio pro Dei servo Aloysio Gonzaga clerico Societatis Jesu sanctorum confessorum canonice adscribendo iteratis precibus

per dilectum filium nostrum Alvarum Sanctæ Romanæ Ecclesiæ Tituli sancti Bartholomæi in Insula presbyterum Cardinalem, Cienfuegos nuncupatum, post cantatas sacras orationes & Spiritus sancti gratiam humillimè invocatam, ad honorem sanctæ & individuæ Trinitatis, fidei catholice exaltationem, & christiani nominis incrementum, auctoritate omnipotentis Dei, Patris, Filii & Spiritus sancti, & beatorum Apostolorum Petri & Pauli, ac nostra, de eorundem venerabilium fratrum nostrorum Sanctæ Romanæ Ecclesiæ Cardinalium, Patriarcharum, Archiepiscoporum & Episcoporum, nobiscum in plenario conventu basilicæ Vaticanæ præsentium consilio & unanimi consensu, beatum Aloysium Gonzagam clericum Societatis Jesu, de cujus sanctitate, fidei sinceritate & ceterarum virtutum ac miraculorum excellentia plenè constabat & constat, una cum beato adolescente Stanislao Kostka ejusdem Societatis Jesu novitio, sanctorum confessorum non pontificum canonice adscribendum decrevimus & definivimus, prout præsentium tenore decernimus, definimus & adscribimus, eundemque per omnes Christi fideles, tanquam vere Sanctum, honorati mandavimus & mandamus, statuentes, ut in Ecclesia universali in ejus honorem ædes sacre & altaria, in quibus incrementum sacrificium Deo offeratur, construi, & quotannis xi. Kal. Julias, quo die migravit ad Dominum, solemnia ejus natalitia, ut sancti confessoris non pontificis, celebrari possint.

Insuper eadem auctoritate omnibus Christi fidelibus vere penitentibus & confessis, qui eodem solemnè die natalitio in memoriam beati Aloysii Gonzagæ quotannis ad sacras ejus exuvias, quæ in æde ad honorem beati Ignatii confessoris Deo sacra adservantur, venerandas accesserint, annum & quadragenam; iis verò, qui in octava ejusdem diei festi, quadraginta dies de injunctis, seu quomodolibet eis debitis penitentis, misericorditer in Domino relaxavimus & relaxamus.

Postremo gratis Deo actis, quod Ecclesiam suam insigni hoc novoque luminari illustrare voluisset, cantata in honorem sanctorum Aloysii Gonzagæ & Stanislai Kostkæ solemnè oratione, in ara maxima supra confessionem Principis Apostolorum sacrosanctum missæ sacrificium celebravimus cum ejusdem & alterius confessoris commemoratione, omnibusque Christi fidelibus tunc præsentibus plenariam omnium peccatorum indulgentiam concessimus.

Decet igitur, ut pro tam peculiari magnoque beneficio nobis concessio omnes benedicamus & glorificemus Deum Patrem & bonorum omnium auctorem, cui est honor & gloria in sæcula. assiduis precibus ab eo flagitantes, ut per intercessionem electi sui Aloysii Gonzagæ, à peccatis nostris indignationem suam avertens, ostendat nobis faciem misericordiæ suæ, immittatque timorem sui super gentes, quæ non cognoverunt eum, ut tandem cognoscant, quia non est alius Deus, nisi Deus noster.

Ceterum quia difficile foret, præsentibus nostras literas ad singula loca, ad quæ opus esset, adferri, volumus, ut earum exemplis, etiam impressis, manu publici notarii subscriptis, & sigillo alicujus personæ in dignitate ecclesiastica constitutæ munitis, eadem ubique fides habeatur, quæ ipsis præsentibus adhiberetur, si essent exhibitæ vel ostensæ.

Nulli ergo omnino hominum liceat hanc paginam nostræ definitionis, decreti, adscriptionis, relationis, mandati, statuti, relaxationis & voluntatis infringere, vel ei ausu temerario contraire. Si quis autem hoc attentare præsumserit, indignationem omnipotentis Dei, ac beatorum Petri & Pauli Apostolorum ejus se no-

A N N O
1726.

VII.

Pontifex sacras ejus exuvias visitantibus peculiari indulgentia concessit.

VIII.

Sacrosanctum missæ sacrificium in ejus honorem celebrat.

IX.

Deus glorificandus in sanctitate beati Aloysii.

X.

Hæc literæ Apostolicæ ubique fident obtineant.

XI.

Nemo eas infringere audeat.

ANNO
1726.
Pridie Kal.
Januar.
1726.

verit incursum.

Datum Romæ apud Sanctum Petrum anno in
carnationis Dominicæ millesimo septingentesimo
viceſimo ſexto, pridie Kalendas Januarias, Pon-
tificatus noſtri anno tertio.

* Ego Benedictus Catholicæ
Eccleſiæ Episcopus.



- † Ego Franciscus Episcopus Ostiensis Cardina-
lis Barberinus.
- † Ego Petrus Episcopus Sabinensis Cardinalis
Orthobonus S. R. E. Vicecancellarius.
- † Ego Laurentius Episcopus Tusculanus Cardina-
lis Corfinus.
- † Ego Joseph Renuſ Tit. ſancti Laurentii in
Lucina Presbyter Cardinalis Imperialis.
- † Ego Philippus Antonius Tit. Sanctæ Prædix
Presbyter Cardinalis Gualterius.
- † Ego Annibal Tit. Sancti Clementis Presbyter
Cardinalis ſancti Clementis Albanus S. R.
E. Camerarius.
- † Ego Ludovicus Tit. ſancti Silveſtri in Capite
Presbyter Cardinalis Picus de Mirandula.
- † Ego Joannes Antonius Tit. ſancti Petri ad
Vincula Presbyter Cardinalis de Via.
- † Ego Antonius Felix Tit. ſanctæ Balbinæ Pres-
byter Cardinalis Zondarius.
- † Ego Petrus Tit. ſanctæ Mariæ trans Tiberim
Presbyter Cardinalis Corradinus.
- † Ego Curtius Tit. ſancti Eustachii Presbyter
Cardinalis Origus.
- † Ego Melchior Tit. ſanctæ Mariæ Angelorum
Presbyter Cardinalis de Polignac.
- † Ego Nicolaus Tit. ſanctorum Nerei & Achillei
Presbyter Cardinalis Spinula.
- † Ego Georgius Tit. ſanctæ Agnetis Presbyter

Cardinalis Spinula, ſanctæ Agnetis nuncu-
patus.

† Ego Cornelius Tit. ſancti Hieronymi Illyri-
corum Presbyter Cardinalis Bentivolus de
Aragonia.

† Ego Ludovicus Tit. ſanctæ Priscæ Presbyter
Cardinalis Belluga & Moncada.

† Ego Joseph Tit. ſanctæ Sufannæ Presbyter
Cardinalis Pereyra de la Cerda.

† Ego Alvarus Tit. ſancti Bartholomæi in Insula
Presbyter Cardinalis Cienfuegos.

† Ego Bernardus Maria Tit. ſancti Bernardi ad
Thermas Presbyter Cardinalis de Comi-
tibus, major Penitentiarius.

† Ego Joannes Baptista Tit. ſancti Matthæi in
Merulana Presbyter Cardinalis de Alteriis.

† Ego Vincentius Tit. ſancti Onuphrii Presbyter
Cardinalis Petra.

† Ego Prosper Tit. ſancti Calixti Presbyter
Cardinalis Marefufcus.

† Ego Nicolaus Tit. ſanctæ Mariæ in Domnica
Presbyter Cardinalis Coscia.

† Ego Nicolaus Maria Tit. ſanctorum Joannis
& Pauli Presbyter Cardinalis Lercarius.

† Ego Frater Laurentius Tit. ſancti Laurentii
in Pane & Perna Presbyter Cardinalis
Cozza.

† Ego Benedictus ſanctæ Mariæ in Via lata Dia-
conus Cardinalis Pamphilius.

† Ego Laurentius ſanctæ Agathæ ad Montes
Diaconus Cardinalis de Alteriis.

† Ego Carolus ſancti Angeli in Foro Piſcium
Diaconus Cardinalis Columna.

† Ego Julius ſancti Hadriani Diaconus Cardina-
lis Alberonus.

† Ego Alexander ſanctæ Mariæ in Cosmedin
Diaconus Cardinalis Albanus, Cardinalis
Alexander nuncupatus.

† Ego Alexander ſanctæ Mariæ de Scala Dia-
conus Cardinalis Falconerius.

† Ego Nicolaus ſanctæ Mariæ ad Martyres Dia-
conus Cardinalis Judice.

P. Cardinalis Prodatarius.

Pro D. Cardinali Oliverio.

C. Archiepiſcopus Emiſenus.

V I S A

De Curia J. Archiepiſcopus Ancyranus.

L. Martinettus.

Regiſtrata in Secretaria Brevium.